



Tusagassiorfinnut nalunaarut Pressemøde

Illerfiit zink-imik sanaat toqusunik angallassinerni atorneqarnissaat piumasaqaataajunnaarpoq

Ilaqquttamik toqusoqartillugu unammilligassaqaqtaqaaq. Pingaartumik toqusoq nunatsinni sumiiffimmi allami ilisaassappat imaluunniit toqusoq Danmarki-p nunattalu akornanni angallanneqassappat. Tamanna akisusinnaallunilu ajornakusoorsinnaavoq.

Maannamut toqusut illerfimmut zink-imik sanaamut akisulluniluu oqimaatsumut taamaammallu angallannera akisuumut ikillugit angallanneqartarput. Maanna illerfinnut zink-inut taarsiullugit annoraassiassat siunertamut tamatumunnga immikkut sanaat taarsunneqarput. Taarsunneqartut taakku aamma avatangiisinut pitsaanerupput.

Annoraassiassat toqusunik angallassinissamut IATA-mit (International Air Transport Association) silaannakkut assartuussinermi nunarsuaq tamakkerlugu malittarisassanik suliaqarsimasunit akuerisaapput. Tamanna tunngavigalugu Nunatsinni Nakorsaaneqarfik, Kalaallit Nunaanni Politimester-i Peqqissutsimullu Naalakkersuisoqarfik isumasioqatigalugit maleruagassat pisoqqat illerfimmi zink-imik sanaami toqusunik angallassisarnerup allangortinnejarnissaanik aalajangiivoq.

Toqusut timaannik angallassassanik isumaginninnermi piumasaqaatit maanna timmisartotiseqatigiiffimmut umiarsuuateqarfimmulluunniit toqusup timaanik angallassisussamut isumaqtigiiressutaassapput. Angallassinissani, assersuutigalugu toqusup timaanik sivikitsumik umiarsuakkut imaluunniit sivisuumik aqquaanilu angallassissutinut assiqinngitsunut arlalinnut nuunnejarnissamik piumasaqaatalimmik angallassinerussanersoq apeqquitaalluni, piumasaqaatit allangorarsinnaapput.

Kalaallit Nunanniit nunanut allanuit Danmark-iunngitsumut angallassinerni illerfinnik zink-imik sanaanik atuinissaq asiunaveersaanissarlu pillugit nunarsuaq tamakkerlugu maleruagassat atuupput. Tamanna nunatsinni oqartussanit allatut maleruagassiuunnejarsinnaanngilaq.

Nunatsinni Nakorsaaneqarfip nittartagaani nutaarsiassani paasisaqarnerugit (<http://nun.gl/index.php?id=35>).

Paasissutissat sukumiinerusut Nunatsinni nakorsaanermut Henrik L. Hansen-imut Nunatsinni Nakorsaaneqarfimmut mailikkut: nun@nanoq.gl, oqarasuaatikkut: 345192 pisariaqarpalluunniit pigaartuusup oqarasuaataanut: 553561 attaveqarnikkut pissarsiarineqarsinnaapput.

Inussiarnersumik inuulluaqqusillunga
Med venlig hilsen

Henrik L. Hansen
Nunatsinni nakorsaaneq

Brevdato: 16-01-2018
Sags nr. 2018 - 1602
Dok. nr. 7070402

Postboks 120
3900 Nuuk
Tlf. (+299) 34 51 92
Fax (+299) 32 51 30
E-mail: nun@nanoq.gl
www.nanoq.gl